

摘藻堂四庫全書薈要

史部

欽定四庫全書會要

史部

硃批諭旨卷二十六

詳校官編修臣繆晉

欽定四庫全書會要卷七千九百十

吏部

硃批諭旨卷二十六

硃批塞楞額奏摺

雍正四年十一月初十日署理山東巡撫印務侍郎臣塞楞額謹

奏為欽奉

上諭事雍正四年十月十三日

臣

到任後接准登州總

兵官黃元驤為膠州停泊戰船一案恭錄



硃批諭旨到

臣臣

欽遵一面委員前往膠州會同營員

親至停泊處所宣揚

恩旨並查明在膠船數在船人數令該州動支正項錢糧接濟一面檄行布政司查議應給口糧數目去後續據布政使張保議稱停泊船內人役應照江南原給工食口糧數目支給前來又檄行該州令其按月照數支給在船人役無不歡呼感激叩謝

皇恩

臣

恐上廛

宸衷謹將料理情由繕摺奏

聞謹

奏

料理殊屬合宜朕又有旨諭黃元驤著賞犒伊等咨到
汝遵照奉行

同日又

奏為恭謝

天恩事

臣

於十月二十八日親詣岱頂恭祝

聖壽至十一月初二日回署接准吏部咨文奉

旨調補

臣

戶部侍郎伏思

臣

於兵部任內兩經部議革

職俱蒙

聖恩寬宥茲復特膺

寵命調佐司農

臣

何人斯邀此

隆遇感激之私莫可言盡唯有銘心刻骨銜結於生生

世世而已謹繕摺叩謝

天恩為此謹

奏

滿洲之中人材甚少如爾等可以栽培者朕無不造就成全若因此遂恃恩自恣漫不檢束惟希冀姑容則又大誤矣當祇遵朕訓懋勉厥職以圖報稱可也

同日又

奏為請

旨事

臣

查東省各官養廉從前俱議定數目批行布政司遵照在案至學差一缺原未議給養廉之項學

臣王世琛到任後前撫臣陳世倌曾先支給耗羨銀二千兩云照道員之例每年給養廉六千兩但曾否

奏明無案可稽事關動用錢糧臣實不敢冒昧遽行支給為此繕摺請

旨伏候

皇上批示遵行謹

奏

此事當看學臣之操行何如不可竟為定例若實一塵不染地方大吏自應量為資助倘名不副實則無庸支給也總宜合於公當而已

雍正四年十二月初五日署理山東巡撫印務侍

郎臣塞楞額謹

奏為恭報得雪情形事竊東省自十月以來各屬多報得雪一二寸三四寸不等茲復於長至日普降瑞雪四野繽紛積雪至五六寸七八寸不等農夫

野老咸稱來歲麥秋定卜豐收謹此奏

聞以慰

聖懷謹

奏

瑞雪應時實慰朕懷殊為可喜可慶

雍正四年十二月十九日署理山東巡撫印務侍

郎臣塞楞額謹

奏為遵

上旨議奏事前蒙

皇上發下沂州副將楊鵬條奏大路墩臺應添造營房
令兵丁挈眷居住一摺奉

硃批諭旨此事可與鎮臣詳悉籌畫具奏欽此即移咨
登甌鎮臣確議去後嗣准各咨覆前來查守墩兵
丁馬二步三晝則瞭望夜司巡查不可一時擅離
汛地若令挈眷居住實於公私均有裨益應如楊
鵬所奏中東兩大路共計墩臺一百三十五座每

墩添造營房十間共計應造營房一千三百五十
間每間約需銀十兩共計銀一萬三千五百兩造
完之日即令各兵丁挈眷永遠居住如至年久應
修令兵丁苦補毋致坍塌可也臣會同鎮臣合詞
具

奏是否有當伏祈

皇上批示遵行謹

奏

所議甚為妥協防守嚴密自可盜息民安也

同日又

奏為請

旨事據巡察山東等處給事中奚德慎移稱本科遍歷
東省沿河一帶漕艘客船往來絡繹不絕關係最
為緊要如照河標漕標添設煙墩營房令兵丁住
守催重趲空巡查瞭望於弭盜安民似有裨益等
因移商到臣臣查同一河道在河標漕標則有煙

墩營房在兗州鎮標則無煙墩營房以致防守兵
丁尋覓民房居住殊為未便自應一例添設以資
防守但查自桑園起至張秋止共計河道六百四
十五里又自劉昌莊起至黃林莊止計河道一百
六十里其間應造煙墩營房共有五十餘座費用
浩繁一時難於辦集請於兩年內酌動餘耗銀兩
交與沿河州縣各官陸續添造俟造完之日另行
奏

聞臣會同巡察科臣奚德慎合詞具

奏是否有當伏祈

皇上批示遵行謹

奏

沿河營房煙墩接聯不斷既可催漕船又以衛行旅實為兩便應行添造但當嚴飭州縣官務須蓋造堅固方可悠久不然如直隸等處未及一年盡皆傾圮徒費金錢究無益也善為之

雍正五年正月初三日署理山東巡撫卽務侍郎

臣塞楞額謹

奏為恭謝

天恩事去歲臘月十九日臣齋摺家人奉到

欽賜

御書福字及風羊哈密瓜茲於元旦又接到

特賜風羊臣俱望

闕叩頭謝

恩祇受訖伏思臣何人斯膺此

隆遇非獨臣之一身仰承

福蔭於靡涯即臣之舉家亦共戴

福德於無盡矣臣惟有凜遵

聖訓勉力奉行以圖報稱於萬一為此謹

奏

極宜加勉以副朕望朕初意不過令汝暫時署理仍著
陳世倌復任近廉知陳世倌祇能潔己自守不肯實心

任事汝須多為料理幾時朕若選擇不獲勝任之人則不可以年月限也汝當事事竭力經畫毋少存瞻顧之心勉之

所奏臨清之摺交部查議矣

同日又

奏為奏

聞事竊查臨倉徵收米折銀兩每年應得羨餘銀一萬五千一百二十三兩內除奏銷考核隨鞘飯銀添

平銀及紙張飯食犒賞書役銀外實剩羨餘銀一萬三百餘兩歷年以來臨關稅銀多有缺額即以臨倉之羨餘補臨關之不足雍正四年臨關稅銀並無缺額是以臨倉羨餘亦無抵用之處前撫

臣

陳世倌於伊離任之時將三季收過羨餘銀八千一百九十八兩除留充各費外伊俱解交藩庫補還伊借動之庫項臣自冬季管理起至徵完止應收羨餘銀四千四百五十五兩又帶徵三年分未

完錢糧內應收羨餘銀一千四百八十五兩

臣任

內共收臨倉應得羨餘銀五千九百四十餘兩

臣

將九百餘兩作為歲底犒賞

臣

標三營官兵及衙

門各役之用將五千兩解交藩庫留充公用所有

臣收過臨倉羨餘銀兩數目謹據實繕摺奏

聞謹

奏

陳世倌於錢糧羨餘原無染指朕所稔悉何也伊惟恐

累及身家祇務全身保祿不肯傾心為國是其所短耳
雍正五年正月二十四日署理山東巡撫印務侍

郎臣塞楞額謹

奏為請

旨事去歲十二月間布政使張保呈送冬季分規銀到

臣臣

即面詢此銀出自何項據稱係各州縣解費

及餘平銀内存為分規每年約有五萬餘兩向係

院司均分等語

臣

查東省各屬徵收耗羨每兩以

三分作為解費原為解餉添平而設若存為分規恐不足以服州縣之心且布政使張保呈請動支正耗銀兩為解餉添平之用據稱從前原以歷年民欠七分耗羨解餉添平因民欠緩至八年帶徵所收七分耗羨無幾經本司

伊曾經奏過

奏明於現在耗羨內動支故起解京餉動支耗銀一

萬二千兩為添平之用等語臣思三分解費原應作解餉添平之用今存為分規所以添平又不得

不動支正耗況東省歷年掛欠戶部短平銀共有

何不查當日掛欠之由

九萬七千餘兩至今無項可補

臣請自雍正五年

臣

為始將此分規銀兩即作解餉添平之用如有餘

剩併所收七分耗羨搭解戶部以補從前掛欠銀

暫時

權宜

兩如此則添平銀兩不致動支正耗而歷年掛欠

亦得陸續彌補矣

是否有當伏候

用爾等諸凡少覺從容

皇上批示遵行至

臣

任內去歲冬季應得之分規銀一

萬一千四百二十三兩相應交與藩庫留充公用

為此謹

奏

除此之外更有何項養廉此項分規前撫陳世倌曾否
支用作何處置之處一併查奏

雍正五年二月初十日署理山東巡撫印務侍郎

臣塞楞額謹

奏為請

旨事臣自抵任以來查訪六府知府直隸知州俱能循

分供職惟各州縣內有難以姑容之員如原任內
有虧空未完者應解任勒追有年老無能並才力
不及者雖任內尚無劣蹟若聽其因循怠惰恐致
貽誤地方應分別令其改就教職或勒令休致又
有在任十餘年者經管錢糧不無那新補舊之處
覽奏深為欣悅果能釐剔鋤莠以清吏治朕復何憂耶
應於本省內隔府調缺以便彼此清查如蒙

皇上俞允祈於候補候選人員內揀選十員發往東省

臣一面查明題叅一面挨次題補更有請者原任

膠州知州馮景夏前任內分賠銀兩已完如蒙

皇上准其開復祈仍發至東省候補為此請

旨謹

奏

安民之道惟在察吏諸卿誠能秉公毫無瞻徇更不存沽譽之心將見俊傑在位庶績咸熙

社稷蒼生裨益不淺矣勉之現任各官與朕何嫌出其缺朕豈另有欲用之人乎矧經歷既久之員較新進未諳

練之輩相去霄壤汝於此處務求公當少不允協人材
可惜總之為大吏者非清慎而兼明察不能得鑑衡之
當至所奏年老不及各員若果衰邁不堪即教職亦屬
誤事伊等已任縣令亦可謂不負其讀書一番不如竟
令休致善藏其拙正所以保全之也

同日又

奏為恭報雨雪情形事竊查東省正月二十六日天
降時雨三十日又降大雪至二月初一初二兩日

連得微雨六府六州俱報均沾實於春農秋麥大有裨益臣謹將雨雪情形奏

聞謹

奏

深慰朕懷惟宜恪秉一誠仰冀

上蒼之垂佑慎毋預料秋成侈然自逸也切諭

雍正五年二月二十二日署理山東巡撫印務侍

郎臣塞楞額謹

奏為遵

旨查奏事

臣

前將冬季分規銀兩交庫留充公用等情

具奏奉

硃批諭旨除此之外更有何項養廉此項分規陳世倌

曾否支用作何處置之處一併查奏欽此

臣

查自雍

正二年七月提解耗羨之後議定巡撫養廉銀每
年二萬兩藩臬養廉銀每年各一萬兩俱自耗羨
內支銷至分規銀兩仍由藩司於解費內扣留院

司均分是養廉之外又有此分規也再查陳世倌
自雍正二年四月到任起至四年九月離任止共
收過分規銀七萬五千七百九十兩共支過養廉
銀四萬五千兩內

奏明現存司庫留充公用銀四萬七千三百八兩又
捐賑用過銀一萬七千九百九兩又因博爾多陞
任進京陳世倌將伊應得之分規銀一萬一千兩
不曾收受歸併博爾多其餘銀四萬四千五百七

十餘兩陳世倌為盤費之用此分規養廉之實數也至臣到任後一切用度俱於養廉內支用上年冬季分規銀兩已

奏明留充公用理合一併奏

聞謹

奏

據奏耗羨銀兩既可以養廉分規一項即依爾所請行朕惟恐爾等大吏需費殷繁或致用度不敷耳

同日又

奏為奏

聞事竊前撫臣陳世倌於臣到任時將

硃批條奏東阿縣大河口建築石橋一招併伊

奏明彼處地有浮沙難建石橋請造船十隻搭作浮

橋以濟行旅緣由移交到臣隨轉飭該縣作速

成造去後今據東阿縣詳稱遵造橋船於正月十

二日完工復將河口兩岸下樁築土鑲成馬頭安

設船隻搭作浮橋現在車輛人騎通行無礙等情
前來除將造船工料用過銀一千二百二十九兩
行令布政司查核外謹將浮橋報完日期奏

聞謹

奏

張楷亦好為此等私恩小惠之事前者奏請於安徽所
屬地方開支河一道可令商民避長江之險等語朕意
其必有真知灼見處故諭接任者奉行孰料竟屬紕繆

不可見之施行今不識此橋果係應行有益之舉抑或
陳世倌出於一時迎合徒為無益之費耶爾其據實奏
聞

雍正五年三月十九日署理山東巡撫印務侍郎

臣 塞楞額謹

奏為代

進奏摺事據陞任兗州府知府吳闕杰稟稱前奉

聖諭如有奏摺交與巡撫轉奏今闕杰荷蒙

天恩陞授湖廣辰沅靖道現在束裝赴任具有謝

恩奏摺一封懇祈轉奏等情到

臣臣

謹代為恭

進謹

奏

吳關杰中材耳其莅任兗州以來雖未聞其劣蹟亦未聞有美政甚屬平常朕將伊調用湖南非嘉獎而陞擢之也其賢否究竟如何之處爾據實覆奏

同日又

奏為奏

聞事臣思

聖廟工程事關重大因嚴飭管工各官上緊備辦茲據
登萊青道徐德倬詳稱磚瓦灰石已備辦十之七
八原擬木料一到即可興工今都司鈕國璽買到
之木多不如式等情臣查鈕國璽所買木料既不
如式而任內錢糧又有虧空似此不職有誤

欽工之員斷難姑容現在題叅請

旨革職嚴提審擬著落該員將家產賠補仍轉飭管工
各官將運到之木料內擇其合式者收工應用合
將料理情由繕摺恭奏以

聞謹

奏

鈕國璽藐法誤工甚屬可惡亟當嚴叅示懲事關尊崇
先聖乃千萬世不朽之典務須極力詳慎遴委幹員料理
妥協方是況汝係科甲出身便作私事論亦宜殫心籌

畫以盡報本之誠方不有愧儒教其徐德倅亦屬推諉具疏時不可從寬

雍正五年閏三月十六日署理山東巡撫印務侍

郎臣塞楞額謹

奏為奏

聞事本月初四日接准內閣封發山西巡撫德明所奏吳奇明揭帖一事奉

旨山西巡撫德明所奏吳奇明揭帖一紙可抄錄發與

山東巡撫將揭帖內有名之該省人犯應行質問者

即速密拿解往山西交與德明究審不得疎縱亦不得拖累欽此欽遵等因到臣隨密差遊擊白良璧前

往查拏於初七日將東阿縣民董大成拏解前來
察其情詞觀其形狀乃一年老無知鄉農似非謀
為不軌者查原揭內董大成並非在家居住之人
臣恐拖累無辜除將現獲之董大成拘禁省中一
面備叙情由專差星赴山西咨詢或彼處另有董

大成其人或將現獲之董大成發往質審之處另行斟酌料理外合將咨詢緣由先行奏

聞謹

奏

非此董大成自不可令其枉屈此事且勿顯露狀中有鹽徒八百人馬上朋友五六百之語又有寄頓年羹堯贓物等情諸犯雖獲朕疑其事荒唐但既舉首鑿鑿不得不究耳此案山西現在審理俟德明處文到汝迅速

應付無誤目下以密為要須選差精細捕役潛詣州縣
伺察踪跡倘事果實免致臨期失措

雍正五年四月初五日署理山東巡撫印務侍郎

臣 塞楞額謹

奏為報明二麥情形事竊查東省濟屬於閏三月初
三日大沛甘霖四野霑足嗣據各府州縣報稱閏
三月初三初四等日以及二十二二十六等日均
得大雨細訪通省二麥現在俱甚茂盛目下米穀

市價較之未雨之前已每石減銀一錢四五分不
等臣恐上廛

宸衷將二麥茂盛糧價漸減情由繕摺奏

聞為此謹

奏

覽奏朕懷深慰政平人和則雨暘時若此皆汝誠敬居
心勤敏奉職之所致

天道最近切不可視為杳渺無憑也勉之慎之

同日又

奏為奏覆事竊

臣

准內閣知會內開三月十六日奉

上諭前布蘭泰摺奏海疆事宜塞楞額當擇其應行事
件作自己之意具題今將朕硃批俱寫入本中是伊
錯認朕意恐將來督撫倣效而行實有未便故將原
本批令發還爾等可寄字與塞楞額事若應行自當
作伊自己奏陳另行具本若不當行之事亦不宜宣
露推卸欽此合行寄字知會等因到

臣

捧讀之下

不勝惶恐戰慄竊查海疆事宜均關地方公務理
宜擇其應行事件作自己條陳具本題請乃臣知
識愚昧不能體會

聖意疎忽之罪

臣

實難辭惟有益加黽勉以仰副我

皇上教育生成之深恩而已除將原奏內擇其應行事

宜另疏具

題外為此恭謝

天恩謹

奏

此等小過出於無心朕不汝責也原本發還所以明示朕意使天下督撫知之嗣後有所遵循耳

雍正五年四月初九日署理山東巡撫印務侍郎

臣 塞楞額謹

奏恭請

皇上聖躬萬安

朕安今已實授汝為山東巡撫矣勉盡厥職以副朕意

汝父年艾如欲接至任所以伸孝養亦可在汝父子之間酌量而行耳偶爾念及故諭

同日又

奏為奏

聞事本月初四日准副總河嵇曾筠移送會題疏稿一件係為曹單二縣臨河大堤題請加幫鑲埽於藩庫內動帑興修將額設徭夫工食併幫貼等銀抵項外其餘在於徐德倬名下勒追還項緣由又咨

文一角內稱現在具題檄令藩司先動撥庫銀二萬五千兩以便備料興工緣由一併到臣臣查徐德倅係奉

旨發與嵇曾筠令其出貲財數萬金効力以示懲戒之員自應將此項堤工即責令徐德倅効力興修或至實難接續之時再為題請借動庫銀今徐德倅尚未到工即先動庫銀然後於伊名下勒追恐將來賠補無期而庫帑反致虛懸況曹單二縣河堤

並非險工尤不便於未經奉

旨允准之先擅動庫帑是以會稿內

臣

未經畫題其檄

令藩司所撥銀兩

臣

亦未經准其給發除將前情

咨覆嵇曾筠外謹具摺奏

聞為此謹

奏

朕若據奏即飭諭嵇曾筠相形之下恐失爾等同官雅
誼爾但堅持不便給發情理明白辭覆令伊自行改正

為是倘伊固執已見或具題或摺奏到時朕降旨諭問
於爾然後將此情由聲明回奏則爾亦可告無過也諸
凡似此據實無隱毫不瞻顧可謂明體達用福至心靈
矣朕實褒獎之至勉之

同日又

奏為請

旨事竊惟知府一官有刑名錢穀之司表率拊循之任
必得精明強幹之員方克辦理無誤臣查青州府

知府俞兆岳年力老邁精神衰憊胥役窺其柔懦
漸至玩忽從事前於三月間青州府城內兩次被
盜至今月餘未獲一賊雖疎忽之咎不專在郡守
而委靡之愆已可槩見矣臣恐姑容日久以致貽
誤地方可否令俞兆岳自行引退員缺另請
皇上揀選補授之處伏候

聖鑒批示遵行謹

奏

俞兆岳原非朕所鑒賞之人因見其氣度舒徐意必老成歷練所以擢用之耳果如爾言則棄物也亟應令伊告退此員缺通省州牧府佐內有勝任之人否查明奏聞

雍正五年四月二十四日山東巡撫臣塞楞額謹奏為恭謝

天恩事本月十九日奉

硃批諭旨今已實授汝為山東巡撫矣勉盡厥職以副

朕意汝父年艾若欲接至任所以伸孝養亦可在汝
父子之間酌量而行耳偶爾念及故諭欽此臣跪讀
之下不禁涕零伏念臣以庸愚之質荷蒙

皇上逾格擢用由中書厯任侍郎

高厚之恩直同覆載今復

特授山東巡撫更蒙

念及臣父俾臣得展烏鳥私情臣何人斯邀此

異數撫衷自問愧感交集自茲以往惟有益加黽勉務

竭犬馬微忱仰報

弘慈於萬一而已謹先繕摺恭謝

天恩謹

奏

終身不改此志則一生受福無窮大率始終如一不隨
境而遷者少玩愒歲月昧其初心者多夙興夜寐時加
省察如人飲水冷暖自知古人云明道易守道難非扶
天理遏人欲克勤於涵養工夫不能也即如勉之一字

須從慎之一字著力操存之功豈容少間汝其謹誌弗失

同日又

奏為恭謝

天恩事本月十五日臣齋摺家人捧到

欽賜人參笋一匣芽茶二瓶臣隨恭設香案望

闕叩頭祇領訖為此繕摺恭謝

天恩謹

奏

覽卿奏謝知道了

曹單二縣河堤茲據嵇曾筠懇請工程緊要恐致遲誤等語其檄撥錢糧爾即照咨付與將來如徐德俶不能足數賠補則惟嵇曾筠是問耳爾無庸會題令其自行具奏可也

雍正五年四月二十八日山東巡撫臣塞楞額謹奏為奏

聞事四月十七日晚天降時雨各屬均沾二麥俱得堅
實禾苗亦漸長發據各屬報到內四五十州縣麥
收分數俱在七分以上至十分不等惟是上年被
水州縣內水淹窪下之處多有魚子今春涸出間
有蛹子生發已嚴飭地方文武官弁竭力搜捕併
委大員親歷巡查並未傷損田苗合行奏

聞謹

奏

蝗蝻一事人力竟可以勝之確然無疑者捕不盡力一令飛起為害不小地方官百姓多有憚於撲捕倖免督責往往隱而不報爾當時加訪察嚴行飭諭方收實效在爾東省此事尤為緊要年年春夏秋務宜留心毋得少忽慎之慎之

雍正五年五月二十二日山東巡撫臣塞楞額謹奏為查明倉穀據實奏

聞事臣自到任後即檄行布政司確查積貯實數續又

奉

旨將陸埰條奏一摺交

臣

議奏查陸埰奏請存價銀兩

分發各州縣採買之說在應買之道廳得脫然事

外而分買之州縣愈為滋累

臣

故不敢議令分發

以開推卸之端仍照各案原存價銀勒限本年秋

收買補貯倉惟是三錢一石之價在豐年尚能採

買若遇歉收實有不敷

臣

請於秋成後查訪確實

若有萬難採買之處或另行分別

題請展限或於餘耗內酌量每石加添三五分俾得
作速買補以副我

皇上軫念民生慎重倉儲之

聖心伏候

皇上批示遵行謹

奏

分發各州縣固不可行若必待三錢之價天時難定尤
為非理但此事必有原委何故折價存貯其中豈無情

弊朕經通諭州縣各倉凡有折色貯庫儘其存銀按時
價購買補倉其不足之數責令原任事者賠補此事亦
當如是辦理設若不能察其原由不得其人恐倉儲終
屬虛懸至爾所奏酌量於耗羨內幫貼亦必俟秋成後
買補為是總在爾詳情度理秉公而為之耳

同日又

奏為奏

聞事竊查東省於五月初一初二二十三十四等日俱有

微雨又於二十日得雨入土四五寸不等秋苗茂盛各屬亦均沾雨澤至從前所報蝻子發生之處共有二十餘州縣臣即迅飭文武官弁竭力撲捕一面用錢收買今報到撲滅者已有十之八九其飛蝗去來無定現在隨有隨撲人夫之蹂躪蝻蟲之殘食雖於田苗不無傷損然統一州一縣而論不過覽奏心甚憂之百分之一耳理合具摺奏

聞謹

奏

蝗一飛起則大有可慮此皆初生時撲捕不力之所致也宜嚴督所屬務令撲滅續生蝻子要緊大凡捕蝗附近田苗不無蹂踐之害所以小民不願而監捕親臨地方未免有迎送之勞所以牧令亦不願是捕蝗之事全在該撫勸懲得法也試思蹂踐之為害幾何飛騰則為害甚溥愚民只顧一身一家之計豈堪與論利害輕重此事若見不透一時被屬員愚惑過後追悔無及元年

二年間四省皆生此物朕諭該撫等竭力撲滅竟未至成災汝今當察地方官之不盡力者必素係不能盡職之員照規避懶惰之例嚴行叅奏懲一以警百捕蝗各員寧猶不知戒懼耶

雍正五年六月二十九日山東巡撫臣塞楞額謹奏為奏

聞事前因東省州縣內有蝗蝻生發荷蒙

皇上指示周詳臣恐屬員撲捕不力以致蔓延為害因

於看河之便親詣生發處所嚴行督催復派委多
員分頭查催半月以來俱已陸續報到撲打淨盡
並未傷損田禾臣猶恐有餘種未盡陸續生發之
處現在仍不時查訪嚴飭隨生隨撲誠如

聖諭人力可以勝之者也臣恐上厯

宸衷謹將撲滅緣由先行奏

聞至臣所歷二十餘州縣處處田禾茂盛即訪之通省

州縣亦俱稱雨暘時若可望豐收合併奏

聞謹

奏

東省陋習朕所稔悉前於爾奏摺內故諄諄批諭也年
年當留心體訪一有所聞督率撲捕不遺餘力倘有隱
匿者嚴加叅劾如此則蝗蝻何至蔓延為害其新任有
司於平時即嚴切誥誡使預知處分之重自不樂仍踵
舊習矣

同日又

奏為奏

聞事竊

臣

據東昌府聊城縣申稱本月十七日晝夜大

雨河水陡長十八日卯刻龍灣舖地方運河西岸

漫開水口七丈有餘連夜搶修業已堵築至二十

一日復遇大雨河水頓長復將堤頭護埽汕去又

衝開水口一丈寬深現在加緊搶修等情到

臣臣

隨檄飭東昌府知府金啓洛督率印河各官星夜

堵築併委員前往查明衝決堤岸曾否堵築完固

民田廬舍有無淹沒各情形另行具

奏外合先奏

聞謹

奏

地方上凡此等小事槩不隱諱一一奏聞朕甚嘉之殊
不厭其煩碎爾審度情形如不難於措畫酌動耗羨之
項隨宜料理速竣毋致因循滋患也

同日又

奏為查勘河道工程事竊徒駭馬頰二河工程告竣

臣於六月初六日自省起程遍歷有河州縣挨次

查勘二河工程深寬丈尺俱各如式一律深通毫

徒駭

無阻滯至齊河禹城高唐樂陵武定濱州等州縣

沒難

向多積水難消今悉成禾黍之場各屬紳衿士庶

免水

莫不踴躍歡呼感頌

皇仁

咸稱自此可永無水滂之患矣等語臣惟查兩河

舊有橋梁俱係淤後所築今河已挑挖深通橋梁

根基多有浮露衝刷日久必至坍塌其所有橋座
臣酌動公費耗羨轉飭修築堅固以為經久之計
今查勘已畢於二十六日回署合將查過河工情
形具摺陳明謹

奏

為政以大德不以小惠修築橋梁務宜永遠堅固使民
實享其利若苟且塞責以圖一時美觀則猶夫以乘輿
濟人於溱洧也

雍正五年七月初九日山東巡撫臣塞楞額謹

奏為奏

聞事竊聊城縣龍灣鋪地方河堤漫決情形臣經

奏明在案今於本月初九日據東昌府印河各官報稱自初三日以後連朝晴霽河水漸消所有衝決堤口於初七日堵築完固民間廬舍並無被淹即低窪處所田禾稍被水浸幸際成熟之時不致為害等情前來除仍轉飭地方官加意察訪毋使貧

民失所外合將決口堵築工完民田廬舍並無傷
損緣由繕摺陳明謹

奏

近日畿甸以內秋雨連綿朕甚憂慮爾宜飭諭各屬於
一切堤工小心防護毋致疎虞慎之慎之

雍正五年八月初六日山東巡撫

臣

塞楞額謹

奏為奏

聞事據東昌府知府金啓洛報稱七月二十六日大風

驟雨將城北護城大堤衝開二十餘丈幸於二十
七日晴霽之後水勢漸消城郭可保無虞其堤內
居民三千餘口俱用小船載入城內安置房屋雖
被淹沒人口並無傷損等情到臣臣即委濟南府
知府張體仁前往會同金啓洛酌動銀米將被水
窮民加意撫恤併將護城大堤作速搶修除俟料
理妥協之後另行具

奏外謹將衝決被水情形先行陳明謹

奏

觀汝實授以後頗不及署理之時

天道隨人亦自然更易此一定之理也

同日又

奏為奏

聞事據東昌府屬兗州府屬濟寧州屬之各州縣衛所
俱以秋雨過多窪地被淹等情詳報前來現在轉
飭布政使委員分頭查勘外

臣

查登萊青三府山

地居多雖有雨水無傷田苗俱報到秋收各有八
九分不等至濟兗東三府除被水村莊外其餘亦
俱報到秋收六七八分不等統計收成分數即被
水州縣將來亦不至米價騰貴臣恐上廩

宸衷理合繕摺奏

聞謹

奏

便廩朕衷亦無可如何之事豈此片紙數字所能慰解

耶

雍正五年八月十六日山東巡撫臣塞楞額謹

奏為奏

聞事竊臣前以東昌城北護堤被水衝決委令知府張體仁前往協同料理緣由業經摺

奏今已晝夜搶築如式完固其被水人民各有生理者已各歸本業外尚有無依貧民男婦大小共一千四百餘口內大口每名給銀五錢小口每名給

銀二錢以為經營餬口之資俟堤內積水涸盡再行酌量按戶散給搭蓋房屋之費斷不使流離失所以致有負我

皇上子惠元元之至意所有給過銀錢以及築堤所費不及二千金臣與司道大員公同捐備無庸請銷庫項再查運河堤岸漫溢之處本應即行鑲墊但目下水勢尚未消落堤內堤外水面相等取土維艱人力難施臣現在檄飭印河各官相度機宜俟

河水稍退即便次第興修至於沿河緯路遇有殘
缺水口即暫搭浮橋以濟回空以通商旅更查東
昌府城雖經水患各項糧米並不昂貴居民亦皆
安堵如故臣謹據實奏

聞上慰

聖懷謹

奏

觀爾前後摺奏光景衝決勢大淹沒或不止於此凡地

方水滂之患亦時有但宜講求撫恤之方斷不可絲毫隱諱也

雍正五年八月二十六日山東巡撫臣塞楞額謹奏為請

旨事竊臣業將已報到被水之州縣陳

奏在案今委官查驗多不至成災惟東昌府屬之沿河州縣地處窪下以致被淹較重查定例如地方有被災之處先將情形

題報續將分數查明復行具

題蠲免但東省今歲二麥已慶豐登通省秋收亦多成熟雖有數處被水不致民食維艱今若據州縣之申詳遽將被水情形通行具

題不惟成災之州縣多所希冀即不成災之州縣亦皆觀望無論無力貧民不行完納即有力大戶亦不肯輸將此等情弊臣所甚悉是以未敢造次具題現在已委員分路查勘如有實在成災地方容臣

據實開明分數繕摺

奏請其有應蠲應免之處仰候

皇上特降恩綸目前之先報情形免臣具

題則將來成災貧民仍得沾沐

皇恩而不成災之處所亦不至觀望希冀矣臣查訪既

確用敢具摺

奏請伏候

聖鑒批示遵行謹

奏

果不成災自不在蠲免之例何慮其觀望但查勘務宜
公確汝既不先報情形於具題時須聲明緣由方可免
違例之咎也

同日又

奏為請

旨事竊查耗羨彌補流抵一案經

臣

題請展限統於雍正五年歲內全完奉

旨允准在案今查司庫續收耗羨約至九月初間流抵

銀兩彌補將完而各年應解耗羨為數尚多

臣查

此項

斷然用不得耗羨

挑濬徒駭馬頰二河共用銀十四萬七千九兩零

挑濬鬲津等支河共用米一萬七千二百餘石現

在具

題請銷但徒駭馬頰河道實為宣洩民田陂水而鬲

津等支河更同民間溝洫雖蒙

聖恩准動庫帑實係地方公事

臣請俟彌補流抵全完

之日即接續彌補挑河所用銀米庶以公完公不
惟正項錢糧不至多費而提解耗羨亦無事紛更
矣為此謹

奏

以公完公非此之謂也各項虧空補足時暫留贏餘將
來若有無著之項正宜以此補苴至如地方上修理道
路橋梁或添助州縣買補存倉穀石疏通溝洫等事亦
宜以此支用斯謂以公完公但總不可令不肖官吏偕

名開銷假公以濟其私耗羨一項原為地方官所得之物蓋以之養其廉操方可杜絕巧取之私使不為吾民累迨完公有餘酌量均增於州縣各官令其從容不窘則自然不貪實為善舉且此耗羨乃民膏民脂於正賦外不得已而取之者也如果此等之需又盡充足則當減耗以裕民方為萬分全美之政所奏耗羨作為挑河公用之說謬矣何也此項止可為地方中之公用非可為國家之公用也國家理財自有大體假令各省於正

供外又增此名色餘出耗羨數百萬充為庫帑成何國
體耶若然則提耗羨一極美之事翻成大笑談矣爾領
悉朕意一切皆本此辦理方不愧臨民之任

雍正五年十月初四日山東巡撫臣塞楞額謹

奏為奏

聞事前准內閣來書欽奉

上諭著各省督撫迎請

龍神像位建祠供奉臣即一面委員赴京迎請一面

敬擇潔淨屋宇一所重加修整建設神龕今於九
月二十四日據委員迎請山東

福齊惠應龍神二尊到省臣即率同各官出郊迎接
進祠敬謹供奉訖所有迎請

龍神像位供奉緣由合行奏

聞謹

奏

覽爾奏中敬謹二字時刻不可去懷蓋

神明感應之理惟以德馨不僅在享祀豐潔也禮月令仲夏大雩雨暘禱祀由來尚矣然居心行政若不出於仁民愛物之誠徒懷僥倖希冀妄邀福庇何異緣木求魚此理朕見之甚明且確爾一身繫閩省蒸黎之休戚當思所以致感之實兢業自持勤慎不急庶幾徵應如立竿見影也

雍正五年十一月初七日山東巡撫臣塞楞額謹奏為恭報瑞雪事查東省於十月初三初四十九二

十以及二十七等日六府六州陸續申報得雪自三四寸以至八九寸一尺不等四野均沾訪之農圃老民僉云小春節氣得瑞雪霑足誠來年豐稔之嘉兆也合將瑞雪情形繕摺恭報謹

奏

直隸山西河南皆已得雪朕正為山左繫念覽爾此奏深為快暢然更須春雨應時綿綿接續為佳耳

雍正五年十一月二十四日山東巡撫臣塞楞額

謹

奏為請調回塘撥之兵以專責成以實營伍事伏查各省設立塘撥遞送部文京報俱係提塘召募土著令其沿途遞送其工食銀兩出自通省各衙門看報各官按季解貯藩庫提塘赴司請領惟東省則不然自省至京設立塘撥悉用撫標兩營步兵遞送由來已久不知始自何年但營兵自應隨營操練不便擅為塘撥之用況東省各州縣原有閭

報銀三千餘兩儘可僱募以供遞送臣請將原撥塘兵盡行撤回以實營伍其遞送公文之人即令提塘召募沿途土著良民承充其通省閱報銀兩亦令解貯藩庫按季支給提塘為募夫工食之費如此則營伍塘撥均有裨益再查當日派撥之時原無報部文案今撤兵歸營似可無庸具

題臣謹繕摺奏

聞伏候

聖鑒批示遵行謹

奏

此奏甚屬可嘉應如是料理近日古北提臣楊鯤亦經摺奏此事當日派撥雖云未曾報部今若不具題存案恐將來仍蹈故轍況他省塘撥不無類此者見朕允爾題請則亦不得不倣效而行矣

同日又

奏為叩懇

聖恩俯允

陞見事竊思臣自叩辭

天顏以來業逾一載犬馬戀

主微忱固已時深夙夜而地方應行政務尤當敬領

睿謨臣心繫

闕廷因恐曠誤職業未敢冒昧瀆請茲封印在即事務

少間且東省密邇

神京往返不須一月敢懇

聖恩容臣於封印後輕騎減從兼程赴都叩請

聖安面聆

聖訓不惟瞻

天仰

聖之誠得以稍展而吏治民生之事亦得有所遵循矣

臣不勝激切待

命之至謹

奏

今歲不必來京幫助陝西驛頭一事切須悉心料理勤加訪察嚴飭屬員禁止胥吏毋致滋弊使不至踵前陋習擾累地方始不負朕委任之意至於採買驛頭必肥壯者方可入選一路解送官吏尤宜審擇勤幹之員諸凡豐裕從事毋令其艱窘倘或至於賠累則誤事矣勉之

更有備用二千兵丁一事候朕諭到盡心辦理

同日又

奏為恭報瑞雪事前十月內得過雨雪情形臣已陳
奏在案今於十一月十七十八等日又復連朝大雪
四野均沾各州縣俱報稱積雪至七八寸一尺不
等當此一陽來復之候得此大雪繽紛實為豐年
之兆理合恭報為此謹

奏

冬雪頻仍朕懷深慰果能恪秉公忠之念以上報朝廷
下安黎庶

穹蒼之錫嘏朕可為汝操左券也勉之敬之

雍正五年十二月十八日山東巡撫臣塞楞額謹

奏為恭謝

天恩事前臣兩次齋摺家人回東俱蒙

皇上欽賜湯羊臣恭設香案望

闕叩頭謝

恩祇領訖為此繕摺恭謝

天恩謹

奏

王師將有西藏之役由此而遂向準噶爾布昭天討亦未可定軍需重任部臣內一時不得其人欲調爾來經畫故及早諭知以便徐為預備此事即在廷議政大臣朕尚未露其端調爾大約在明歲夏秋之間此數月內可將地方政務加意整飭密之又密毋得洩露特諭

雍正六年正月十一日山東巡撫臣塞楞額謹

奏為恭報瑞雪事上年十二月二十九日濟南得雪

三寸四野均沾嗣據各屬陸續申報俱於是日得雪二三四寸不等不惟二麥自茲暢茂將見禾苗亦可乘時布種矣合將瑞雪情形繕摺恭報謹

奏

今歲雨雪可謂

天恩浩蕩率土均沾滇省從來雪少去冬竟深至二尺人所罕聞見者朕實感戴慶幸而倍生惕厲之心願與諸卿共相懋勉其靖共爾位毋或荒寧慎之慎之

雍正六年正月二十八日山東巡撫臣塞楞額謹

奏為請

旨事竊准吏部咨欽奉

上諭著各省督撫於所屬知縣內揀選一人作速咨送
閩省交與高其倬常賚酌量於緊要縣缺補用欽此
欽遵臣揀選得蓬萊縣知縣楊一正在任年久歷
練老成可以咨送抑臣更有請者原任金鄉縣知
縣郭允彝丁艱離任現在候咨歸旗歷任六載有

餘辦事明敏才具練達若咨送閩省堪勝緊要縣缺臣因人材起見越例具

奏或將現任知縣楊一正咨送或將丁憂知縣郭允彛聲明緣由咨送閩省之處伏候

聖鑒批示遵行謹

奏

令楊一正往閩是郭允彛若居官果優具本題留送部引見可也

同日又

奏為請

旨事正月二十六日接准部咨奉

旨山東按察使楊紹補授直隸布政使山東布政使岳
濬調補山西布政使張坦麟調補山東布政使欽此
臣查東省現在存庫之正雜錢糧共有三百四十
餘萬兩關係重大現在道府內無堪署藩篆之員
仰懇

皇上天恩將岳濬暫留東省俟張坦麟到任交代明白
之後再令赴山西新任為此謹

奏

所請是足見慎重錢糧之意已有旨命張坦麟速來交
代矣

雍正六年二月十二日山東巡撫臣塞楞額謹

奏為恭報雨雪事二月初四日省城大雪復據各府
州縣陸續報稱是日有得雨入土四五寸不等之

處有得雪三四寸不等之處合將得過雨雪情形
恭摺奏

聞謹

奏

深慰朕懷實代汝不勝慶幸也但不可遂爾放逸惟心
存敬畏拳拳弗失勤吏治暢民情

上蒼之響應朕可力保也慎之又慎期共勉之

同日又

奏為遵

旨密議據實覆奏事竊臣接准和碩怡親王戶部尚書
蔣廷錫奉

上諭密寄信與河南山西山東督撫每省於步兵內挑
選二千人等因寄字到臣臣遵即酌定議稿先後

密寄與河南督臣山西撫臣會商在案查河南督
臣山西撫臣會稿內以所挑之兵俱屬步兵無庸
給與騎坐馬匹等語臣思各兵長途跋涉恐難步

行謹議各給騎馬一匹又會稿內止云酌量派委
管轄各官帶往等語其應派官員數目騎坐馬匹
製備行裝銀兩未經分析置議臣之所議微有參
差理合聲明統祈

皇上訓示遵行謹

奏

此事田文鏡石麟俱經奏過作何辦理之處朕已酌定
準則諭明田文鏡矣爾等總在田文鏡處畫一而行

雍正六年二月二十六日山東巡撫臣塞楞額謹

奏為恭報得雨日期事竊二月二十二日濟南省城
自寅時下雨起至戌時止舒徐綿密田土透足近
省州縣俱報均沾其去省遠者尚未報到謹將得
雨情形繕摺謹

奏

直隸亦然

天恩溥博欣幸之懷筆不能喻此喜與爾同之但須加勉

加慎方克承

上蒼之眷顧也勗哉

同日又

奏為據實奏

聞事竊臣於放告日有青州府臨朐縣民孫有明狀稱
同縣民姚瀛盜伐伊樹又佔伊地畝在按察司衙
門控告行府審為証告批令枷責哀鳴親審等語
臣閱其詞內為爭地爭樹細事歷經審理結案未

准逐出詎孫有明走出門外隨拏小刀刺傷肚腹
至晚殞命其中有無冤抑是否畏罪脫逃控告不
准以致自盡之處除批令按察司嚴查詳報外合
將孫有明因告不准自刺緣由據實奏

聞謹

奏

爾身任封疆當知大體似此瑣屑不應奏之事瀆奏必
有應奏之事隱匿而不奏聞者在朕甚疑之

同日又

奏為請

旨事竊查藩庫內有扣存支發河工銀六千九百六十七兩係歷年陸續扣存部費之項據布政使岳濬詳稱部費名色已經革除此銀請存為地方公用等情前來合行

奏明撥充公用再查濟南省城墻垣坍塌之處甚多臣於去歲已委員確估共需工料銀四千七十餘

兩又查東昌府屬之聊城等縣運河堤岸多有單薄每遇河水長發之時易於衝決以致河水灌入民田臣現在將作何修築堅固之處委員查估臣請將此項扣留部費銀兩即作此城工河工之用理合奏

聞謹

奏

城垣堤岸均宜修葺但不可令浮冒以填不肖官吏之

貪壑

同日又

奏為欽奉

上諭事本年二月十一日准內閣寄字內開雍正六年

二月初六日大學士馬齊朱軾張廷玉孫柱等奉

上諭闕里興修工程已經三年何以至今尚未告竣爾等可寄信與巡撫塞楞額令董事諸臣實心料理務使堅固昭垂永久毋得惜費省工擔延時日報竣之

後朕或親詣展禮或遣親王大臣前往俟再降諭旨
欽此臣到任後即擬刻日興修催儻告竣以期仰
副我

皇上尊師重道之至意無如都司鈕國璽所買之木多
不如式經臣

題叅草職審擬隨委濟東道牟錦元等協同承修各
官將木植逐一丈量確估其缺少之梁柱枋桁等
大木以及漏估未買各料已動支庫銀先後委員

星夜赴江廣購買應用到工之日方可定限完工
今奉內閣寄到

上諭詢問除另文咨呈內閣外合將

聖廟工程至今尚未告竣緣由據實陳明謹

奏

內閣轉奏時另有諭旨似此既經咨呈必到朕覽之事
又無不便聲明應行密奏之隱情何必多此一番煩瀆
亦可謂不體朕之至矣

雍正六年三月二十七日山東巡撫臣塞楞額謹

奏為恭謝

天恩事臣齊摺家人回東捧到

欽賜皇輿全圖臣跪迎進署恭設香案望

闕叩頭謝

恩祇領臣敬捧跪閱山川疆理細密周詳惟有慎重

祕藏於公餘細心體察以期仰副我

皇上誘掖指示之

聖心為此繕摺恭謝

天恩謹

奏

此圖實難得之寶物也尺幅萬里普天一覽乃前代之
所無費

聖祖數十年苦心積慮所成當珍重之

同日又

奏為恭報雨澤事竊查東省前於二月二十二日得

過大雨又於三月初四五等日各屬報到得雨大小不等今於十四日又得大雨四野霑足又於二十一日自申時起至次日天明止細雨綿密各屬亦報均沾仰賴

皇上洪福雨暘時若田禾茂盛各屬糧價亦因之日漸平減合行恭報上慰

聖懷謹

奏

春雨優渥朕心深慰但章奏中動稱仰賴洪福此等語
朕實厭聞爾等若不秉公察吏顛倒刑政縱容衿棍肆
行無忌以至百姓銜怨含冤則乖氣致異惟仰賴朕一
人之洪福以感召

天和可乎似此不經虛文諛奏有何益處觀所言之不實
即卜中情之偽矣果能竭力効忠殫心奉職

上天之眷祐朕可信其必也將爾科甲虛套習氣務須盡
情洗滌若少留一分必受一分之累戒之

同日又

奏為奏明事竊查院司分規經臣

奏明以充解餉添平之費如有餘剩聽作彌補從前掛批之用已奉

旨准行在案今雍正六年春季部撥西餉一百三十六萬兩查運解西餉並無添平飯銀之費臣因通查此番省用之分規以及庫存餘平併七分耗羨共銀四萬六千七百三十八兩零查前撫臣陳世倌

於雍正三年賑濟被水貧民曾動用濟南東昌臨
清博平等府州縣倉穀原議院司道府公捐還項
統計應捐共銀七千三十四兩迄今事隔三載官
多更易既不便責令後官代捐又不便著落前官
賠補臣請將此番節省之分規等項銀兩內撥出
七千三十四兩以補當日未捐之項庶以公完公
而倉項不至虛懸矣為此謹

奏

此事宜確察的實朕意其未必然也不過借此巧為開銷虧空耳若前項倉穀果因濟貧動用今為之買補還項正所謂以公完公當然之舉也

雍正六年四月二十六日山東巡撫臣塞楞額謹奏為遵

旨查明覆奏事竊查河工効力人員等支給養贍銀兩一案經布政使岳濬具摺

奏稱河工効力仇廷樞等十四員經前任巡撫陳世

官批准每月每員給薪水銀四兩此項應否停止
欽奉

硃批與巡撫酌量如果實心効力又當一論如陳世倌
徇情給發不但應行停止從前給過之項還當著落
陳世倌賠補又奏稱侍衛張炳等四員先准兵部咨
開此等人員應否給與俸祿酌量辦理隨經布政
使張保議給養贍銀四兩武進士范學海等亦經
張保詳明一體支給此項或應停止或應酌減伏

候

聖裁批示等因奉

硃批亦如前諭欽此臣會同商酌細查原卷仇廷樞等

俱稱身家殷實在部具呈情願効力之員若又給

與薪水是與情願効力之意不符陳世倌批令給

領甚屬不合臣任內仍聽照前支領疎忽之咎亦

實難辭相應將仇廷樞等在陳世倌任內支領過

銀兩著落陳世倌賠補在臣任內支領過銀兩臣


應照數賠還查侍衛張炳武進士范學海等與情
願効力人員有間其支過銀兩可否准銷出自
聖恩至効力各員不應支給臣失於詳查不勝惶悚待
罪之至叩懇

皇上天恩恕臣愚昧免臣檢舉實臣之厚幸也為此謹
奏

如果實心効力著有勞績則不必追賠若並無効力之
處虛糜月費則應著落本人賠補係陳世倌徇情批給

則當著落代賠朕原旨甚明今此等處俱未聲明遽議
令陳世倌賠補朕殊不解一切辨理不求允協總為一
己地步起見陋矣

硃批諭旨卷二十六



總校官庶吉士臣侍朝

校對官編修臣馬啟泰

謄錄監生臣徐登垣